

Calaamadahas Gaalnimada

Iyo

Calaamadaha Munaafaqnimada

Waxaa dhigay

Dr Xasanwali Sheekh Xuseen Cismaan, DVM

بِسْمِ اللَّهِ الرَّحْمَنِ الرَّحِيمِ

الحمد لله والثناء لله وصلى الله على سيدنا ومولانا محمد وعلى آله الطاهرين الطيبين وسلم تسليما كثيرا كلما ذكره
الذاكرون وغفل عن ذكره الغافلون، أما بعد،

Shacabka soomaliyeed waa muslin, waliba diinta aad iyo aad ugu dheggaan, oo wada muslin ah, waxaana u talin kara oo kali nin muslin ah oo ku hoggaamiya Quraanka Kariimka ah iyo Sunnada Udgoon ee Nabi Muxammad Sallaa Allaahu Calayhi Wa Calaa Aalihi Wa Sallam.

Marka waxaan halkaan kuusoo gudbinayaa sifada laga doonayo inuu leeyahay ninka hoggaankeeda qabanaya oo ku sugan Kitaabka iyo Sunnada, oo islaamka dhexdiisa fawdo lama oggola iyo in dadka la cabsiiyo, dhiiggiisa la daadiyo, xolihiisa la xalaalaysto, xurmadiisa iyo sharaftiisa la xalaalaysto, dalkiisa laga saaro, laguna xukumo wuxuusan Ilaahay soo dejin.

Sharci ayaa ka yaalla sida Madaxwaynaha loo doorto iyo cidda doorataba, mana aha sida hadda loo doorto, oo gaalada laga keenay. Haddii shareecada la khilaafo guul la gaari mayo.

Sidoo kale sharci ayaa ka yaalla sida madaxwaynaha xukunka looga qaadi karo, haddii kale waxaa dhacaysa waxa nagu dhacay oo kale sanooyinkaas lasoo dhaafay, laga bilaabo Soomaaliya kun sagaal boqol kow iyo sagaashanka, ama ku dhacay Ciraaq, Tuunis, Liibiya, Masar iyo kuwo kaleba, oo dhammaantood madaxdii dalka si sharci darro ah xilka looga qaaday.

سورة البقرة Suuratu Al Baqarah

Ilaahay Subxaanahu wa Tacaalaa **الله سبحانه وتعالى** wuxuu Suuratu Al Baqarah سورة البقرة ku yiri:

بِسْمِ اللَّهِ الرَّحْمَنِ الرَّحِيمِ. الم (1) ذَلِكَ الْكِتَابُ لَا رَيْبَ فِيهِ هُدًى لِّلْمُتَّقِينَ (2) الَّذِينَ يُؤْمِنُونَ بِالْغَيْبِ وَيُقِيمُونَ الصَّلَاةَ وَمِمَّا رَزَقْنَاهُمْ يُنْفِقُونَ (3) وَالَّذِينَ يُؤْمِنُونَ بِمَا أُنزِلَ إِلَيْكَ وَمَا أُنزِلَ مِنْ قَبْلِكَ وَبِالْآخِرَةِ هُمْ يُوقِنُونَ (4) أُولَئِكَ عَلَى هُدًى مِنْ رَبِّهِمْ وَأُولَئِكَ هُمُ الْمُفْلِحُونَ (5)

"Bismi Allaahi Al Rraxmaani Al Rraxiimi. Aliflaammiim(1) Thaalika Al Kitaabu laa rayba fihi hudan lil muttaqiina(2)Allathiina yu'minuuna bi al ghaybi wa yuqiimuuna al ssalaata wa mimmaa razaqnaahum yunfiquuna(3)Wa allathiina yu'minuuna bimaa unzila ilayka wa maa unzila min qabluka wa bi al aakhirati hum yuuqinuuna(4)Uulaa'ika calaa hudan mmin Rabbihim wa uulaa'ika humu al muflixuuna(5)".

Aayadaha macnohoodu waxaa weeye:

" Bismi Allaahi Al Rraxmaani Al Rraxiimi. Aliflaammiim(1)Kitaabkaas Quraanka ah shaki kuma jiro inuu Ilaahay agtiisa ka yimid , uuna xaq run ah yahay. Quraankuna waxaa ugu sugan hanuun kuwa Ilaahay ka dhawrsada. Taqwana\التقوى waxaa la yiraahdaa waxaad isaga dhigtid oo iska xijisid waxaad kahanayso sida naarta oo kale.

Calii bin Abii Dhaalib\علي بن أبي طالب, Sallaa Allaahu Calayhi Wasallam, wuxuu yiri:

"إذا اشتد البأس اتقينا برسول الله صلى الله عليه وسلم."

"Ithaa ishtadda al ba'su itqaynaa bi Rasuuli Allaahi Sallaa Allaahu Calayhi Wasallam."

Xadiithka macnihiisu waxaa weeye:

"Markuu xarbigu kululaado oo gacanta la isula tago, ayaan waxaan cadawga isaga dhigi jirnay oo aan ayaga xijin jirnay oo aan annaga iyo ayaga dhexdeena yeeli jirnay Rasuulka Ilaahay, Sallaa Allaahu Calayhi Wasallam, annagoo gadaashiisa ku sugan."

Marka ninka muttaqiga ahi wuxuu cathaabta Ilaahay isaga dhigaa oo iska xijiyaa isagoo adeeca awaamirta Ilaahay, kana fogaada wuxuu ka reebay.

Cumar\عمر ayaa wuxuu Kacb Al Axabaar\كعب الأحبار ku yiri:

"Taqwada nooga warraan."

Markaasuu wuxuu yiri:

"Ma martay dariiq qodax leh?"

Wuxuu yiri:

"Haa."

Wuxuu yiri:

"Maxaad hadaba fashay?"

Wuxuu yiri:

"Waan is ilaalayay oo aan maradana xaytay si ayan qodaxi iiga qabsan, aanna faraha fooddooda aayar ku socday."

Kacb bin Al Axbaar\كعب الأحبار wuxuu yiri:

"Taas weeye taqwadu."(1)Ilaahay ayaa noo tilmaamaya sifooyinkay leeyihiin muttaqiintum wuxuuna yiri:

"Waa kuwaa aamina oo rumeeya ghaybka oo ah waxaadan u jeedin oo aadan indhihaaga ku arki karin laguse amray inaad rumeysid inay jiraan oo run yihiin, sida Ilaahay Cazza wa Jalla\الله عز وجل, Malaa'igta, bacthiga, Jannada, Naarta, siraadka iyo miizaanka. Iimaan waxaa la yiraahdaa, xagga shareecada inaad qalbiga ka rumeysid, carrabkana aad ka qirtid, xubnahana aad ku meel marisid oo ku sameysid qaybaha iimaanka.

Calaamadaha gaalnimada

Calaamadaha soo socda waxaa iska leh, oo laga helaa, qofka gaalka ah. Qofkii muslim ahaan jiray oo laga helana, Diintii Islaamka wuu ka baxay, oo waa gaal, hadduu raba ha tukado, oo ha soomo oo ha cibaadeysto.

Jaamacadda Azhar ee Qaahira\القاهرة\جامعة الأزهر ku taal, dalka Masar\مصر, waxay soo saarta Kitaab la yiraahdo “Bayaanun linnaas\بيان للناس”, oo ah "caddeyn dadka la siinayo", oo arrimo muhim Diintooda u ah loo caddeynayo.

Kitaabkaas juzkiisa labaad, bogga 146 iyo 147 wuxuu cadeynayaa calaamada gaalnimada, iyo waxa qofkii sameeya, hadduu muslim ahaa Diinta uga baxayo. Calaamadahaas waxaa ka mid ah:

1. Qofka inkirah , oo aan rumeyn, arrin lagama maarmaan ah in la rumeysto, oo iimaanku waajibinayo, sida waajibnimada tukashada Salaadda, in qof la dilo inay xaaraan tahay, iyo wii la mid ahba.
2. Qofkii xalaaleysta, oo sidii ayadoo xalaal ah ugu dhaqma, wax la isku wada waafaqsanyahay inay xaaraan yihiin, sida zinada.
3. Qofkii xaarantimeeya wax la isku wada waafaqsanyahay inuu xalaal yahay, sida cunnada xalaasha ah.

Inkiraaddaas waxaa caddeynaya inuu qofkaasi ama afka ka yiraahdo oo qirto, ama uu tilmaamo, ama uu dhigo oo qoro. Tusaale ahaan:

4. Haddii qofka la weydiiyo: gaal miyaad tahay? oo uu madaxa horay usoo ruxo.
5. Haddii qofka la weydiiyo: Ilaahay ma rumeysantahay? Oo uu madaxiisa midig iyo bidix u ruxo ama uu gacanta maya uga tilmaamo, oo tilmaamahaas oo dhan kuwa dadku macnohooda isla wada yaqaannaan yihiin.

Hindus, buddism, shintuism iyo kuwa la midka ahba, waa gaal. Qofkaan muslim ahaynba waa gaal.

Yuhuuddu waa gaalo, sida ay noo sheegtay Aayadda 30 ee Suuratu Tawbah\سورة توبة:

وَقَالَتِ الْيَهُودُ عُزَيْرٌ ابْنُ اللَّهِ (30)

“Wa qaalati al yahuudu Cuzayrun ibnu Allaahi(30).”

Aayadda macneheedu waxaa weeye:

“Waxay yiraahdeen yuhuuddu: "Cuzayr\عزير waa wiilka Ilaahay”.

Krishtaanku waa galo, sida ay noo sheegeen Aayadaha 72 iyo 73 ee Suuratul Maa'idah:

لَقَدْ كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ (72)

“La qad kafara allathiina qaaluu inna Allaaha huwa Al Masiixu ibnu Maryama(72).”

Aayadda macneheedu waxaa weeye:

“Waxaa gaaloobay kuwa yiri Ilaahy waa Al Masiixu ibnu Maryama”.

لَقَدْ كَفَرَ الَّذِينَ قَالُوا إِنَّ اللَّهَ ثَلَاثَةٌ وَوَمَا مِنْ إِلَهٍ إِلَّا إِلَهٌ وَاحِدٌ

“La qad kafara allathiina qaaluu inna Allaaha thaalithu thalaathatin wa maa min ilaahin illaa Ilaahun Waaxidun(73).”

Aayadda macneheedu waxaa weeye:

“Waxaa gaaloobay kuwii yiri Ilaahay waa seddex midkood, Ilaah keli ah mooyee Ilaah kalena ma jiro”.

Gaalku haddii uu islaamo, oo gaalnimadii ka tawbad keeno, intii uu noolyahay, oo aan sakaaralkii dhimashadu u imaan, dambigiisii hore oo dhan Ilaahay, Subxaanahu wa Tacaalaa **الله سبحانه وتعالى**, waa ka dhaafayaa, haddiise uu gaalnimo ku dhinto laga dhaafi mayo, wuxuuna ku waarayaa Naarta Jahannamo **نار جهنم**.

6. Hadduu diido, oo isagu doortay, inuu ku dhawaaqo labada Shahaado.
7. Qofka Diinta caaya.
8. Qofka Quraanka Kariinka ah dura, oo wax ka sheega.
9. Qofka Sunnada Nabi Muxammad, Sallaa Allaahu Calayhi Wasallam, dura oo wax ka sheega.
10. Qofkii Nabi Muxammad, Sallaa Allaahu Calayhi Wasallam, ama Nabi Nabiyada Ilaahay ka mid ah dura oo wax ka sheegah.
11. Qofka sanam u sujuudah.
12. Qofka Kitaabka Quraanka ah liida, sida inuu meel xun oo wasakh ah ku tuuro, ama lugihiisa uu kor saar oo ku joogsado.
13. Qofka yareysta oo yasa Rasuulkii Ilaahay, Nabi Muxammad, Sallaa Allaahu Calayhi Wasallam, qof. ahaantiisa ama Rususha kale oo Ilaahay soo diray.
14. Qofka yareysta oo yasa magac ka mid ah Magacda Ilaahay.
15. Qofka yareysta, oo yasa, amar ka mid ah awaamirta Ilaahay.
16. Qofka yareysta, oo yasa, wax ka mid ah waxyaalaha Ilaahay dadka ka reebay.
17. Qofka yareysta oo yasa ballamada wanaagsan oo Ilaahy qaday (sida mu'minku inuu janno gelayo).
18. Qofka yareysta, oo yasa, gooddiga Ilaahay (sida inuu gaalku Naar gelayo).
19. Qofka diidah, oo iskala weynaada amar Ilaahay.
20. Qofka run ahaashaha amarka Ilaahay dura, oo beeniya, sida Iblis uu u diiday amarkii ahaa inuu Adam u sujuudo, ama yuhuuddu u beenisay oo u diidday xukunkii Tawraad

ku qornaa oo ahaa qofkii isagoo guursaday hadana zinaystah, in la rajmiyo oo dhagax lagu dilo intuu ka dhinto.

21. Tegidda badan ee kaniisadohoda ciidohoda, iyo u dhaqanka sidooda oo kale.

Marka, waa inuu qof walba is ilaaliyaa, inuusan la imaan arrimo sameyntoodu la sahlantahay, waxa ka imaanayana ay aad u weyn yihiin, oo uu Diintaba uga baxayo. Xw2001

بِسْمِ اللَّهِ الرَّحْمَنِ الرَّحِيمِ

Macnaha nifaqa iyo munafaqnimada

Shiikha Jaamacadda Al Azharae Qaahira\الأزهر بالقاهرة (magaciisuna, Allaha u naxariistee, wuxuu ahaa Calii Jaadu Al Xaqq Calii\علي جاد الحق علي, oo kitaabkii hadda ima hor yaallo markaan aan kitaabka magaciisa ku darayo, wuxuuna ahaan karaa Jaadu Al Xaqq Calii Jaadu Al Xaqq\جاد الحق علي جاد الحق) ku taalla dalka Masar\مصر wuxuu kitaabkay Jaamacaddu soo saartay ee cinwaankiisu yahay "Bayaanun lilnaasi\بيان للناس" juzka koowaad bogga boqol iyo sadex iyo konton uga hadlay Nifaaqa\النفاق, wuxuu yirina waxaa ka mid ah:

"Nifaaqu waxaa weeyey in la muujiyo wax khilaafsan oo ka duwan waxa uurka ku jira, xagga shareecada waxaa magacaas la yiraahdaa nifaaqa\نفاق caqiidada iyo nifaaqa\نفاق camalkaba. mid kastoo labadaas ka mid ahba waxaa jirta inuu qofku muujinayo khilaafka waxa uurkiisa ku jira, oo wuxuu shareecada ka gelayaa albaab wuxuuna ka baxayaa albaab kale isagoo doonaya inuu khayr kasbado sharna iska celiyo.

Quraanka Kariimka ah

Quraankuna wuxuu ku magacaabay faasiq\فاسق, sababtoo ah inuu sharciga ka baxay, siduu Ilaahay u yiri:

إِنَّ الْمُنَافِقِينَ هُمُ الْفَاسِقُونَ (67)

"inna al munaafiqiina humu al faasiquna"

oo macneheedu yahay, waana Aaydda toddoba iyo lixdanaad ee Suuratu Tawbah سورة التوبة:

"Munaafiqiintu ayagaaba ah faasiqiinta."

بَشِّرِ الْمُنَافِقِينَ بِأَنَّ لَهُمْ عَذَابًا أَلِيمًا (138) الَّذِينَ يَتَّخِذُونَ الْكَافِرِينَ أَوْلِيَاءَ مِنْ دُونِ الْمُؤْمِنِينَ أَلْيَتُوكُمْ بَشْرًا فِي الْكُفْرِ بِمَا جَاءَكُمْ مِنَ الْكِتَابِ وَإِنَّكُمْ إِذَا أَطَعْتُمُ الْكُفْرَانَ كَانْتُمْ كَمَا كُنْتُمْ إِذْ أَخَذْتُمُ الْعَهْدَ مِنَ اللَّهِ وَكَانَ بَيْنَكُمْ وَبَيْنَهُمْ حُدُودٌ (139) وَقَدْ نَزَّلَ عَلَيْكُمْ فِي الْكِتَابِ أَنْ إِذَا سَمِعْتُمْ آيَاتِ اللَّهِ يُكْفَرُ بِهَا وَيُسْتَهْزَأُ بِهَا فَلَا تَقْعُدُوا مَعَهُمْ حَتَّى يَخُوضُوا فِي حَدِيثٍ غَيْرِهِ إِنَّكُمْ إِذًا مِثْلُهُمْ إِنَّ اللَّهَ جَامِعُ الْمُنَافِقِينَ وَالْكَافِرِينَ فِي جَهَنَّمَ جَمِيعًا (140) الَّذِينَ يَتَرَبَّصُونَ بِكُمْ فَإِنْ كَانَ لَكُمْ فِتْنَةٌ مِنَ اللَّهِ قَالُوا أَلَمْ نَكُنْ مَعَكُمْ

وَإِنْ كَانَ لِلْكَافِرِينَ نَصِيبٌ قَالُوا أَلَمْ نَسْتَحِذْ عَلَيْكُمْ وَنَمْنَعُكُمْ مِنَ الْمُؤْمِنِينَ فَاللَّهُ بِحُكْمِ بَيْنِكُمْ يَوْمَ الْقِيَامَةِ
وَلَنْ يَجْعَلَ اللَّهُ لِلْكَافِرِينَ عَلَى الْمُؤْمِنِينَ سَبِيلًا (141)

Waana labada Aayadood ee Suurato Al Nisaa' سورة النساء oo macnohoosu yahay:

“Nabi Muxammadow, Sallaa Allaahu Calayhi Wa Calaa Aalihi Wa Sallam, munaafiqiinta ugu bishaaree inay gelayaan cadaab xanuun badan((138).”

Kaddibna Ilaahay Tacaalaa **الله تعالى** wuxuu noo caddeeyey kuway munaafiqiintu yihiin,

wuxuuna yiri Jalla Jalaaluhu **جل جلاله**:

“(Munaafiqiintu) waa kuwa gaalada – yuhuudda iyo krishtaanka - madax iyo saaxiibo soke ka dhigta oo u hoggaansa gargaarna waydiista, mu’miniinta sokadooda: kuwaasu ma waxay gaalada ka raadsanayaa inay cizzi عزة iyo xoog siiyaan iyo sarrayn? So ma ayan oga inuu cizziga iyo xooggu dhammaantiis uu Ilaahay leeyahay oo uu isagu bixiyo, cid kalena ayan hayn?”(139)Waxaana kitaabka korkiinna lagu dejiyay ku dhigan oo la idinku xukumay in haddaad maqashaan Aayaatka Ilaahay – sida Quraanka iyo axkaamta dhexdiisa ku sugan, Nabi Muxammad Sallaa Allaahu Calayhi Wa Calaa Aalihi Wa Sallam iyo Nabi Ciise Calayhissalaamu – oo lagu gaaloobayo laguna jeesjeesayo inaydan kuwa sidaas yeelaya aydaan la fariisan, ilaa ay hadal aan kaas ahayn ku hadlaan, oo haddaad yeeshaan oo la fariisataan, hadana adinkuna ayagoo kale ayaad tihiin oo gaalo ayaad tihiin, xukunkooda oo kale ayaad adinkuna hoos gelayaan, Ilaahayna wuxuu wada gelanayaa oo isugu keenayaa dhammaantood munaafiqiinta iyo gaaladaba naarta Jahannama.” Al Daxxaak الضحاک wuxuu wariyay inuu Cabdu Allaahi ibnu Cabbaas **عبد**

الله ابن عباس Allaha isaga iyo aabihiisba raalli ka noqdee yiri:

"دخل في هذه الآية كل محدث في الدين وكل مبتدع إلى يوم القيامة."

Oo macnihiisu yahay:

“Waxaa Aayaddaan soo hoos gelaya oo xukunkeedu qabanayaa kulli mid kasta oo diinta islaamka soo geliya waxaan lagu ogayn Quraanka iyo Sunnada iyo waxay muslimiintu isku raaceen inay sax tahay, ama diinta waxaan ka mid ahayn hindisa oo soo dhex geliya, ilaa maalinta qiyaame.”

(140)Kuwaasu waa kuwa idiin qorshaynaya oo idinla dhawraya inay dhibaato idinku dhacdo, oo markaad guulaysataanna idin oranaya: “soo adinka idinlama jirin annaguna?!” Hadday gaaladu idinka adkaadaanna oranaya, waana munaafaqiinta ayaa gaalada waxay ku leeyihiin: “soo adinka idiinma hiillin oo idinma siin sirta Rasuulka Ilaahay Sallaa Allaahu Calayhi Wa Calaa Aalihi Wa Sallam iyo asxaabtiisa, oo aad markaas sidaas uga adkaateen?!” Oo soo ma ihin kuwa, muslimiinta ah idinka celiyay, iyo inaad muslimiin noqotaanba?!” Ilaahay ayaana Mu’miniinta iyo munaafiqiinta kala xukumaya maalinta qiyaame, Ilaahayna gaalada uma yeelin inay muslimiinta xukumaan”(141):

Cikrimah\عكرمة wuxuu wariyay inuu ibnu Cabbaas\عبد الله ابن عباس Allaha isaga iyo aabihiisba raalli ka noqdee yiri:

"أي حجة"

Oo macnihiisu yahay:

"Xujjo uu uga adkaado muslimiinta oo uga kormaro, kuna xukumo."

Wuxuu kaloo Ilaahay Tacaalaa\الله تعالى Aayadda kow iyo kontonaad ee Suuratu Al Maa'idah\سورة الكائدة ku yiri:

يَا أَيُّهَا الَّذِينَ آمَنُوا لَا تَتَّخِذُوا الْيَهُودَ وَالنَّصَارَىٰ أَوْلِيَاءَ بَعْضُهُمْ أَوْلِيَاءُ بَعْضٍ وَمَنْ يَتَوَلَّهُمْ مِنْكُمْ فَإِنَّهُ مِنْهُمْ إِنَّ اللَّهَ لَا يَهْدِي الْقَوْمَ الظَّالِمِينَ (51).

Aayadda macneheedu waxaa weeye:

"Kuwiinna rumayayow, oo mu'miniinta iimaanka laga helay ahow, ha ka yeelanina yuhuudda iyo krishtaanka madax aad u hoggaan tihiin oo aad gargaar waydiisataan, saaxiibbo dhow, hana u noqonina jaasuus oo sirta msulimiinta ha siinina, maxaa yeelay yuhuudda iyo krishtaanku ayagaa madax, saxiibbo dhow, gargaarayaal iyo jaasuus isku ah. Midka adinka idinka midka ah oo sidaas yeela oo madax iyo jaasuus iyo gargaare iyo saaxiib ka dhigta, una jaasuusa, kaasuu ayaguu ka mid yahay oo waa yuhuudi iyo krishtaan, xukunka ayaga la xukumo ayaa isagana lagu xukumayaa. Ilaahayna ragga daalimiinta ah, oo xaqqa meel uusan lahayn dhiga, ma hanuuniyo.(51)."

Ilaahay Cazza wa Jalla\الله عز وجل wuxuu Aayadda Boqol iyo shan iyo afartanaad ee Suuratu Al Nisaa'\سورة النساء noogu sheegay inay munaafaqiintu meesha ugu hooseysa ee Naarta gelayaan:

إِنَّ الْمُنَافِقِينَ فِي الدَّرَكِ الْأَسْفَلِ مِنَ النَّارِ وَلَنْ تَجِدَ لَهُمْ نَصِيرًا (145)

"Inna al munaafaqiina fii al ddarki al asfali mina Al Naari wa lan tajida lahum nasiiran." Aayadda macneheedu waxaa weeye:

"Munaafaqiintu waxay ku jiraan dabaqa ugu hooseeya ee Naarta, una heli maysid mid u gargaara."

Munaafaqiinta Banuu Dubaycah\بنو ضبيعة waxaa kaloo ka mid ah Mucattib\معتب waana midka Maalinta Uxud\أحد yiri:

"Haddaan amarka wax ku lahaan lahayn meeshaan nalaguma dileen."

Markaasuu Ilaahay Tacaalaa\الله تعالى wuxuu kasoo dejiyay Aayadda boqol iyo afar iyo konto ee Suuratu Aali Cimraan\سورة آل عمران ilaa qisada dhammaadkeeda:

وَطَائِفَةٌ قَدْ أَهَمَّتْهُمْ أَنْفُسُهُمْ يَظُنُّونَ بِاللَّهِ غَيْرَ الْحَقِّ ظَنَّ الْجَاهِلِيَّةِ يَقُولُونَ هَلْ لَنَا مِنَ الْأَمْرِ مِنْ شَيْءٍ قُلْ إِنَّ الْأَمْرَ كُلَّهُ لِلَّهِ يُخْفُونَ فِي أَنْفُسِهِمْ مَا لَا يُبْدُونَ لَكَ يَقُولُونَ لَوْ كَانَ لَنَا مِنَ الْأَمْرِ شَيْءٌ مَا قُتِلْنَا هَاهُنَا قُلْ لَوْ كُنْتُمْ فِي بُيُوتِكُمْ لَبَرَزَ الَّذِينَ كُتِبَ عَلَيْهِمُ الْقَتْلُ إِلَى مَضَاجِعِهِمْ وَلِيَبْتَلِيَ اللَّهُ مَا فِي صُدُورِكُمْ وَلِيُمَحِّصَ مَا فِي قُلُوبِكُمْ وَاللَّهُ عَلِيمٌ بِذَاتِ الصُّدُورِ (154)

"Wa dhaa'ifatun qad ahammathum anfusuhum yathunnuuna biAllaahi ghayra al xaqqi thanna al jaahilyati yaquuluuna hal lanaa mina al amri shay'in qul inna al amra kulluhu lillaahi yukhfuuna fii anfusihim mmaa laa yubduuna laka yaquuluuna law kaana lanaa mina al amri shay'un maa qutilnaa haahunaa qul llaw kuntum fii buyuutikum labaraza aalathiina kutiba calayhimu al qatlu ilaa madaajjihim wa liyabtaliya Allaahu maa fii suduurikum wa liyumaxxisa maa fii quluubikum wa Allaahu caliimun bithaati al ssuduuri."

Aayadda oo ka warramaysa duullaanka Uxud\إحد, maalintaasoo uu Ilaahay mu'miniinta nucaas oo ah gamaanyo ama hurdo fudud ku riday siday nabadgelyo u dareensan yihiin, oo qof baqaya ma gamaanyoodo oo seexdo, munaafiqiintuna ayanna gamaanyoone cabsi daraadeed naftooda la walwalaya, macneheedu waxa weeye:

"Kooxna waxaa walwalisay naftooda, waxayna ka malaynayaan Ilaahay waxaan run ahayn oo ah inuusan Nabigiisa Muxammad, Sallaa Allaahu Calayhi Wasallam, u gargaarayn, taasoo ah malaynta zamanka jaahiliyada iyo gaalnimada. Kuwaasu waxay oranayaan:

"Ma waxbaan ku leenahay amarka?"

Waxaad tiraahdaa:

"Amarka kulligiis waxaa iska leh Ilaahay."

Waxayna uurkooda ku qarintayna iyo naftooda dhexdeeda waxayan adigu kuu muujinayn, waxayna leeyihiin haddaan amarka wax ku lahaan lahayn meeshaan nalaguma dileen, oo haddaan caqli leenahay Muxammad, Sallaa Allaahu Calayhi Wasallam, sooma raacneen, madaxdeennana lama dileen.

Waxaad ku tiraahdaa:

"Haddaad guryihiinna dhexdooda joogi lahaydeen way soo bixi lahaayeen kuwa in dilo loo qoray way kasoo bixi lahaayeen waxayna imaan lahaayeen meesha lagu dilayo oo ay dhulka uga dhacayaan oo ay sidaas ku jiifanayaan. Taasna wuxuu Ilaahay u sameeyey si uu u imtixaano waxa laabihiinna dhexdooda ku jira, uuna soo saaro waxa quluubtiinna ku jira. Ilaahayna wuu ogsoon yahay waxa quluubta dhexdooda ku jira, ha ahaato khayr ama sharbee."

Mucattib\معتب waa isla ninka Maalinta Al Axzaab\الأحزاب yiri, ayadoy muslimiintu khandaqa waa dhufayskee, ku jiraan, gaaladuna hor fadhido:

"Muxammad\محمد, Sallaa Allaahu Calayhi Wasallam, wuxuu noo ballan qaaday inaan cuni doonno kunuuzta, waa maalkee, Kisraa, oo ah boqorka iyo boqortooyada Furus ama Iiraan maanta, iyo Qaysar oo ah boqorka iyo boqortooyada Roomaanka, hadana midkeennaa ma haysto amni uu saxarada ku fogeeyo."

Markaasuu Ilaahay Cazza wa Jalla\الله عز وجل\ wuxuu kasoo dejiyay Aayadda laba iyo tobnaad ee Suuratu Al Axzaab\سورة الأحزاب:

وَإِذْ يَقُولُ الْمُنَافِقُونَ وَالَّذِينَ فِي قُلُوبِهِمْ مَرَضٌ مَا وَعَدَنَا اللَّهُ وَرَسُولُهُ إِلَّا غُرُورًا (12)

"Wa ith yaquulu al munaafiquuna wa allathiina fii quluubihim mmaradun mmaa wacadanaa Allaahu wa Rasuuluhu illaa ghuruuran."

Aayadda macneheedu waxaa weeye:

"Iyo markay munaafaqiinta iyo kuwa ay quluubtooda cudur ku jiro leeyihiin: "Nooma yaboohin Ilaahay iyo Rasuulkiisu, Sallaa Allaahu Calayhi Wasallam, waxaan dhagar ahayn. Dhagar waa khayaano."

Ugu dambeystii munaafaqiinta reer Banuu Dubaycah\بنو ضبيعة\ waxaa kaloo ka mid ah Al Xaarithu bin Xadhib\الحارث بن حبيب\."

Sunnada Nabi Muxammad Sallaa Allaahu Calayhi Wa Calaa Aalihi Wa Sallam

Erayga al nifaaqu\النفاق\ waxaa laga soo qaatay naafiqaa'a\انفاق\ oo ah xoolaha la yiraahdo al yarbuucu\اليربوع\ (oo afka ingiriiska lagu yiraahdo jerboa, kuna nool waqooyiga Afrika iyo Shiinaha iyo dalalka kale ee saxrada ah ee Aasiya, waxayna u egyihiin xoolaha la yiraahdo Kanguroo ee Australia ku nool: laba addin oo dambe way dheer yihiin, laba horena way gaaban yihiin, dibkkooduna waa dheer yahay. Waxay u ordaan ayagoo booda siduu kanguroo u boodo oo kale, waxayna ku nool yihiin oo kuklayka ka galaan godad ay dhulka ka qotaan) oo ah xoolo u eg al jarthu\الجرذ\ (oo ah doolliga) gurigiisana ka dhisto meel taag ah oo qota una fura shabaakooyin u jeeda afarta jiho. Markaasuu marka jiho looga yimaado midda kale ka baxaa oo caraaraa. Gurigiisana inta muuqata oo loo jeedo iyo inta qarsoon oo uurkiisa ah way kala duwan yihiin, oo muuqaalka loo jeedaa gurigiisa wuxuu ka samaysan yahay ciid, uurkiisuna waa god maran.

Munaafaqnimu waa khayaano oo qofkuu la hadlayo ayuu wuxuu u sheegayaa wax ka duwan waxa uurkiisa ku jira, siduu yarbuucu\اليربوع\ sameeyo oo kale.

Al Bukhaarii\البخاري\ iyo Muslim\مسلم\ waxay wariyeen inuu Nabigu, Sallaa Allaahu Calayhi Wasallam, yiri:

"آية المنافق ثلاث: إذا حدث كذب، وإذا وعد أخلف وإذا أتمن خان."

"Aayatu al munaafiqi thalaathun ithaa xadatha kathaba, wa ithaa wacada akhlafa wa ithaa u'utumina khaana."

Xadiithka macnihiisu waxaa weeye:

"Calaamada munaafaqa lagu garto waa saddex:

(Kow) markuu hadlo been ayuu sheegaa,

(Labo) Markuu ballan galo wuu khilaafaa,

(Saddex) marka wax lagu amaaneystana wuu khayaanaa."

Muslim\مسلم wuxuu ku daray riwaayadiisa inuu Nabigu, Sallaa Allaahu Calayhi Wasallam, yiri:

"وإن صام و صلى وزعم أنه مسلم."

"wa in saama wa sallaa wa zacama annahu muslimun",
oo macnihiisu yahay:

"in kastoo uu soomo, uuna salaad tukado uuna yiraahdo inuu muslim yahay."

Al Bukhaarii\البخاري iyo Muslim\مسلم waxay kaloo wariyeen inuu Nabigu, Sallaa Allaahu Calayhi Wasallam, yiri:

"أربع من كن فيه كان منافقا خالصا. ومن كانت فيه خصلة منهن كانت فيه خصلة من النفاق حتى يدعها: (1) إذا أتمن خان، (2) وإذا حدث كذب، (3) وإذا عاهد غدر، (4) وإذا خاصم فجر."

"Arbacun man kunna fihi kaana munaafiqan khaalisan. Wa man kaanat fihi khaslatun minhunna kaanat fihi khaslatun mina al nifaaqi xattaa yadacahaa. Ithaa u'utumina khaana, wa ithaa xadatha kathaba, wa ithaa caahada ghadara, wa ithaa khaasama fajara." Xadiithka macnihiisu waxaa weeye:

"Afar timaamood qofkay ku kulmaan waa munaafaq khaalish ah. Qofkay ku jirtana hal tilmaan oo afartaas ka mid ahna waxaa ku jirta qayb munaafaqnimo ilaa uu ka tago. Afartaas qaybood ama tilmaamood waxay kala yihiin:

(Kow) marka wax lagu amaaneysto wuu khiyaanaa amaanaadaas,

(Labo) markuu hadlana been ayuu sheegaa,

(Saddex) markuu ballan iyo heshiis galana wuu khayaanaa,

(Afar) markuu murmana wuu xad gudbaa."

Waa intaas warka Al Azhar\الأزهر, kitaabkeedana ayada madbacaddeeda ayaa lagu daabacay.

Dr. Xasanwali Sheekh Xuseen Cismaan, DVM
1435H / 2014 M.